

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Vlada FBiH utvrdila nacrt Zakona o zaposlenicima u jedinicama lokalne samouprave	1
Preliminarni rezultati lokalnih izbora u BiH	1
Općina Vogošća zadržala certifikat standarda ISO 9001:2008	2
U novu kotlovnicu u Srebreniku investirano 750.000 KM	3
Svečano otvoreno dječje igralište u Wilsonovom šetalištu	3
Predstavnici turske razvojne agencije u posjeti Jablanici	4
Predstavnici DEIK-a i LIVA GRUP-e posjetili Općinu Vogošću	4
Prezentirano urbanističko rješenje projekta izgradnje Muzeja opsade Sarajeva	4
Smanjenjem administrativnih barijera do privlačenja investitora u općinu Tuzla	5
Prezentiran elektronski registar administrativnih procedura u općini Srebrenik	6
EU očekuje da BiH u procesu EU integracija uključuje sve nivoe vlasti	7
NAJAVA: EU promotivne aktivnosti u širokom Brijegu	7
Regionalni forum Programa 'Evropa za građane'	8

Bilten Saveza općina i gradova Federacije Bosne i Hercegovine

VLADA FBiH UTVRDILA NACRT ZAKONA O ZAPOSLENICIMA U JEDINICAMA LOKALNE SAMOUPRAVE

SARAJEVO, 10. oktobar/listopad – Vlada Federacije BiH je, na jučerašnjoj sjednici u Sarajevu, utvrdila Nacrt zakona o zaposlenicima u jedinicama lokalne samouprave koji je urađen u saradnji sa Savezom općina i gradova Federacije Bosne i Hercegovine.

Poseban zakonski akt o zaposlenicima u jedinicama lokalne samouprave je motiviran činjenicom da zbog specifičnosti njihovog djelokruga poslova u odnosu na poslove organa državne službe viših nivoa vlasti - kantona i Federacije primjena određenih rješenja Zakona o državnoj službi kod regulisanja statusa službenika i namještenika u jedinicama lokalne samouprave nije uvijek bila adekvatna.

Jedan od razloga njegovog donošenja je i potreba harmonizacije zakonskih rješenja iz ove oblasti na teritoriji cijele BiH, pošto je ovakav zakon već donesen u Republici Srpskoj.

To se posebno ogleda u pojednostavljenju i ubrzanju procedure za popunu upražnjenih radnih mjesta službenika, veću horizontalnu i vertikalnu pokretljivost radne snage unutar uprave, preciziranje prijema i prava pripravnika, statusa rukovodećih službenika, disciplinske odgovornosti, te žalbenog postupka.

Preciziranje radnih mjesta, uključujući rukovodeća i druga radna mjesta službenika, te radna mjesta namještenika, uz uvažavanje specifičnosti ustroja uprave jedinica lokalne samouprave, omogućuje kvalitetnije određivanje radnih mjesta u okviru Pravilnika o organizaciji i sistematizaciji radnih mjesta.

Nacrt zakona, prije upućivanja u parlamentarnu procedure bit će poslan kantonima na davanje mišljenja.

Podsjećamo da je ovaj Zakon pripremila Radna grupa Saveza općina i gradova FBiH imenovana od strane Predsjedništva Skupštine Saveza, a u kojoj su učestvovali državni službenici iz slijedećih općina: Zavidovići, Zenica, Tuzla, Cazin, Tomislavgrad, Čitluk, Grad Mostar, Bihać i Goražde.



PRELIMINARNI REZULTATI LOKALNIH IZBORA U BIH



Prema preliminarnim, nezvaničnim i nepotpunim rezultatima koje je Centralna izborna komisija (CIK) objavljuje skoro svaki dan, Stranka demokratske akcije (SDA) osvojila je najviše načelničkih mjesta na lokalnim izborima u Bosni i Hercegovini – 35 (u Federaciji BiH). Njihov najveći konkurent u Federaciji Bosne i Hercegovine SDP, osvojio je 11 načelničkih pozicija, dok je Savez za bolju budućnost BiH ostao na dva načelnika. Hrvatska demokratska zajednica (HDZ) BiH dobila je 14 načelničkih mjesta, Hrvatska

demokratska zajednica (HDZ) 1990 tri načelnička mjesta, a Savez nezavisnih socijaldemokrata (SNSD) tri.

U Federaciji BiH nezavisni kandidati su osvojili 5 načelničkih pozicija, a stranke A-SDA, HSP, SDU, NSRB, koalicija HDZ – HDZ1990 po jedno načelničko mjesto.



KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.chib-eu.org
www.cbc-bih-mne.org
www.srb-bih.org
www.cbc-cro-bih.net
www.programmede.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

Nakon druge nadzorne
provjere audita metodom
slučajnog uzorka u
službama za upravu nije
pronađena niti jedna
neusklađenost



Nepotpuni preliminarni rezultati koje je objavio CIK BiH izgledaju ovako:

Banovići - Bego Birparić (SDA), **Bihać** - Emdžad Galijašević (SDA), **Bosanska Krupa** - Armin Halitović (SDP), **Bosanski Petrovac** - Zlatko Hujć (NEZAVISNI), **Bosansko Grahovo** - Uroš Makić (SNSD), **Breza** - Halil Tuzlić (NEZAVISNI), **Bugojno** - Hasan Ajkunić (NEZAVISNI), **Busovača** - Asim Mekić (SDA), **Bužim** - Agan Bunić (SDA), **Cazin** - Nermin Ogršević (A-SDA), **Centar Sarajevo** - Dževad Bećirević (SDP), **Čapljina** - dr.Šmiljan Vidić (HDZBiH), **Čelić** - Sead Muminović (SDA), **Čitluk** - Ivo-Ivo Jerkić (HDZBiH), **Doboj Istok** - Kemal Bratić (SDA), **Doboj Jug** - Jasminka Begić (SDP), **Dobretići** - Neven Idžanović (HSP), **Domaljevac** - Željko Josić (HDZ1990), **Donji Vakuf** - Huso Sušić (SDA), **Drvar** - Stevica Lukač (SNSD), **Foča-Ustikolina** - Zijad Kunovac (SDA), **Fojnica** - Salkan Merdžanić (SDA), **Glamoč** - Radovan Marković (SNSD), **Goražde** - Muhamed Ramović (SBBBiH), **Gornji Vakuf-Uskoplje** - Sead Čaušević-Čaki (SDA), **Gračanica** - Nusret Helić-Daso (SDP), **Gradačac** - Edis Dervišagić (SDP), **Grude** - Ljubo Grizelj (HDZBiH), **Hadžići** - Hamdo Ejubović (SDA), **Ilidža** - Senaid Memić (SDA), **Iljaš** - Akif Fazlić (SDA), **Jablanica** - Salem Dedić (SDA), **Jajce** - Edin Hozan (SDA), **Kakanj** - Nermin Mandra (SDA), **Kalesija** - Dževad Hadžić (SDP), **Kiseljak** - Mladen Mišurić-Ramljak (HDZBiH), **Kladanj** - Jusuf Čavkunović (SDU), **Ključ** - Zukanović Nedžad (SDP), **Konjic** - Emir Bubalo (SDA), **Kreševo** - Zdravko Miličević (NSRB), **Kupres** - Perica Romić (HDZBiH), **Livno** - Luka Čelan (HDZBiH), **Ljubuški** - Nevenko Barbarić (HDZBiH), **Lukavac** - Dževad Mujkić (SDA), **Maglaj** - Mehmed Mustabašić (SDA), **Neum** - dr.Živko Matuško (HDZBiH), **Novi Grad Sarajevo** - Semir Efendić (SDA), **Novi Travnik** - Refik Lendo (SDA), **Novo Sarajevo** - Nedžad Koldžo (SDA), **Odžak** - Hajrudin Hadžidedić (SDA), **Olovo** - Đemal Memagić (SDA), **Orašje** - Đuro Topić (HDZBiH), **Pale/Prača** - Asim Zec (SDA), **Posušje** - Branko Bago (HDZBiH), **Prozor/Rama** - dr.Jozo Ivančević (HDZ1990), **Ravno** - Andrija Šimunović (HDZ-HDZ90), **Sanski Most** - Mustafa Avdagić (SDA), **Sapna** - Ismet Omerović (NEZAVISNI), **Srebrenik** - Sanel Buljubašić (SDP), **Stari Grad Sarajevo** - Ibrahim Hadžibajrić (SBBBiH), **Stolac** - Stjepan Bošković (HDZBiH), **Široki Brijeg** - Miro Kraljević (HDZBiH), **Teočak** - Taib Muminović (SDA), **Tešanj** - Suad Huskić (SDA), **Tomislavgrad** - Ivan Vukadin (HDZBiH), **Travnik** - Admir Hadžiemrić (SDA), **Trnovo** - Ibro Berilo (SDP), **Tuzla** - Jasmin Imamović (SDP), **Usora** - Ilija Nikić (HDZ1990), **Vareš** - Avdija Kovačević (SDA), **Velika Kladuša** - Behrić Edin (NEZAVISNI), **Visoko** - Amra Babić (SDA), **Vitez** - Advan Akeljić (SDA), **Vogošća** - Edin Smajić (SDA), **Zavidovići** - Suad Omerašević (SDA), **Zenica** - Husejin Smajlović (SDA), **Žepče** - Mato Zovko (HDZBiH), **Živinice** - Hasan Muratović (SDP).

Po političkim strankama u Federaciji Bosne i Hercegovine rezultat je sljedeći:

Stranka demokratske akcije (SDA) – 35
 Hrvatska demokratska zajednica BiH (HDZBiH) – 14
 Socijaldemokratska partija BiH (SDP) – 11
 Nezavisni kandidati – 5
 Hrvatska demokratska zajednica 1990 (HDZ1990) – 3
 Savez nezavisnih socijaldemokrata (SNSD) – 3
 Savez za bolju budućnost BiH (SBBBiH) – 2
 Stranka demokratske aktivnosti (A-sda) – 1
 Hrvatska stranka prava BiH (HSPBiH) – 1
 Socijaldemokratska Unija BiH (SDU BiH) – 1
 Narodna stranka Radom za boljitak (NSRB) – 1
 HDZ Koalicija za Ravno HDZBiH-HDZ1990 – 1



OPĆINA VOGOŠĆA ZADRŽALA CERTIFIKAT STANDARDA ISO 9001:2008

VOGOŠĆA, 10. oktobar/listopad – U Općini Vogošća je urađena druga nadzorna provjera prema zahtjevima norme ISO 9001:2008, od strane auditora Nijaza Alispahića i Sanjina Konjhodžića, certifikacijske kuće Bureau Veritas.

Nakon druge nadzorne provjere audita metodom slučajnog uzorka u službama za upravu nije pronađena niti jedna neusklađenost što je saopšteno u završnom sastanku.

Provedenim auditom date su i određene opservacije u pravcu što kvalitetnijeg pružanja usluga građanima, a sve u cilju povećanja zadovoljstva istih. Također je potvrđeno da je Općina Vogošća organizacija koja je sposobna da odgovori zahtjevima korisnika usluga, zahtjevima iz propisa i vlastitim zahtjevima organizacije.

Na završnom sastanku je potvrđeno da je Općina Vogošća zadržala certifikat standarda ISO 9001:2008.



U NOVU KOTLOVNICU U SREBRENIKU INVESTIRANO 750.000 KM



SREBRENİK, 15. oktobar/listopad – Danas je zvanično u pogon pušteno novo kotlovsko postrojenje kod Mješovite srednje škole Srebrenik, u koje je investirano oko 750.000 KM. Ceremoniji svečanog otvorenja su prisustvovali zamjenici predsjednika Skupštine TK-a Jašarević Bajazit i Šimić Zlatko, načelnik općine Srebrenik Mehmed Bajrektarević, predsjedavajući OV-a Srebrenik Ibrahim Zukić, općinski vijećnici, šefovi općinskih službi, savjetnici općinskog načelnika, privrednici te predstavnici medija.

Simboličkim pritiskom na taster automatike kotla kotlovnice su zajednički pustili u pogon Jašarević Bajazit i Bajrektarević Mehmed.

Današnjim činom je završena kompletna rekonstrukcija postojeće kotlovnice kod MSŠ Srebrenik u koju su ugrađena 2 moderna kotla na bio masu snage po 2 MW (ukupno 4MW) sa kompletnom automatikom, sa koje su trenutno napojeni objekti MSŠ Srebrenik, Prve OŠ Srebrenik te JZU Dom zdravlja Srebrenik, dok će se u budućnosti nakon izgradnje toplovoda toplotnom energijom zagrijavati veći broj zgrada. U finansiranju I faze toplifikacije, čija se vrijednost procjenjuje na oko 1.500.000 KM, učestvovalo je Ministarstvo prostornog uređenja i zaštite okolice TK sa 500.000 KM, dok se preostali iznos finansira iz općinskog budžeta. Od nezavršenih radova I faze preostalo je da se putem javne nabavke ugovori izgradnja distributivnog toplovoda za okolne stambeno-poslovne objekte koja košta oko 450.000 KM te ugovori javna nabavka mašina potrebnih za pripremu i transport drveta (sječke) te prostora za skladištenje drveta (nadstrešnice) koja košta oko 300.000 KM.


Proces rada u kotlovnici je pojasnio Karić Fahrudin, koordinator projekta, koji je između ostalog istakao da u narednom periodu, po završetku I faze, slijedi realizacija II, III i IV faze toplifikacije. Cijena koštanja II faze toplifikacije je oko 900.000 KM. U sklopu II faze izvršiće se rekonstrukcija kotlovnice u sklopu JU Centar za kulturu i informisanje Srebrenik te ugraditi kotao na bio masu, snage 2MW. Kotao će moći toplotnom energijom snabdjeti oko 20.000 m² stambenog i poslovnog prostora te pored Doma kulture i SPO Bistrica I i II, SPO Hanka, Robna kuća Srebrenka, SPO iznad Obdaništa, JU Obdanište i dr. Realizacijom I i II faze projekta Toplifikacije značajno će se povećati energetska efikasnost, smanjiti aero zagađenje i protivpožarna ugroženost gotovo kompletnog Centra Srebrenika.

Toplifikacija grada Srebrenik – I faza, je projekat koji će nakon izgradnje biti 100 % u vlasništvu općine i koji je ekonomski samoodrživ. Nove mini toplane zamijeniti će veliki broj individualnih kotlovnica u centru grada, a novi kotlovi, umjesto uglja, koristiti će biomasu tj. obnovljivi izvor energije, što je trenutno najjeftinije i najefikasnije grijanje. Cijena koštanja III i IV faze toplifikacije je oko 2.600.000 KM. U sklopu ovih faza planirana je izgradnja novih kotlovnica, ukupne snage 5 MW, koje bi toplotnom energijom snabdijevale preostali dio grada Srebrenika, odnosno oko 50.000 m² stambenih i poslovnih prostora.



U finansiranju I faze toplifikacije, čija se vrijednost procjenjuje na oko 1.500.000 KM, učestvovalo je Ministarstvo prostornog uređenja i zaštite okolice TK sa 500.000 KM, dok se preostali iznos finansira iz općinskog budžeta.

SVEČANO OTVORENO DJEČIJE IGRALIŠTE U VILSONOVOM ŠETALIŠTU



Vilsonovo šetalište

NOVO SARAJEVO, 15. oktobar/listopad – Načelnik Općine Novo Sarajevo Nedžad Koldžo i direktor KJKP „Park“ Mustafa Resić, danas su uz prisustvo brojnih roditelja i mališana, svečano otvorili dječije igralište u ulici Vilsonovo šetalište. Novoizgrađeno igralište prvo je ove vrste u prelijepom ambijentu Vilsonovog šetališta, namijenjeno djeci svih uzrasta, a nudi raznovrsne sadržaje po modernim standardima poput piramidalne mreže za penjanje, klackalica, ljuljački, mega kule, dvije sprave za fitnes, te klupe za sjedenje.

„Poput „Šarenog parka“ na Trgu heroja i ovo dječije igralište je izgrađeno po modernim standardima,

prilagođeno svim generacijama, kako našim najmlađim sugrađanima, tako i onim nešto starijim, koji će svoje vrijeme odvojiti za relaksaciju na fitnes spravama. Općina Novo Sarajevo i dalje će nastaviti sa rekonstrukcijom postojećih dječijih igrališta, ali i izgradnjom novih tamo gdje ih do sada nije bilo, a potrebni su“, istakao je načelnik Općine Novo Sarajevo Nedžad Koldžo.

Izvođač radova je KJKP „Park“, a investitor Općina Novo Sarajevo, koja je za ove namjene izdvojila 50.000 KM.



Sa otvorenja dječijeg igrališta u Vilsonovom šetalištu





Grb Općine Jablanica



PREDSTAVNICI TURSKE RAZVOJNE AGENCIJE U POSJETI JABLANICI

Nakon što je prije godinu dana, Turska agencija za koordinaciju i razvoj BiH, zajedno sa Općinom Jablanica i Federalnim ministarstvom obrazovanja, nauke, kulture i sporta realizovala projekat izgradnje područne škole u Ravnoj, vrijednog oko 220 hiljada KM, predstavnici agencije Tika (Turska agencija za koordinaciju i razvoj) danas, 12. oktobra/listopada posjetili su Općinu Jablanica, a zatim prisustvovali konačnom tehničkom prijemu školskog objekta u Ravnoj. Delegaciju Turske agencije za koordinaciju i razvoj koju je predvodio je direktor Tike dr Zulkuf Oruč sa saradnicima, Ilkazom Kajseriogluom i Karmaz Emirom, primio je Općinski načelnik Salem Dedić.

Posjeta delegacije Tike iskorištena je i za razgovore o mogućem ulaganju i dodatnu saradnju privrednih subjekata iz Republike Turske sa općinom Jablanica.

Predmet razgovora bilo je korištenje proizvodnih pogona nekadašnje konfekcije „Amina“ i zapošljavanje ženske radne snage kroz otvaranje novog proizvodno-tekstilnog pogona, mogućnost otvaranja pogona za flaširanje viška vode sa izvorišta na Komadinovom vrelu, učešće agencije Tika BiH u realizaciji projekata rekonstrukcije centralnog grijanja u Osnovnoj školi u Jablanici i područnoj školi Ostrožac, te podrška ostalim projektima iz oblasti obrazovanja, poljoprivrede i turizma na području općine Jablanica. U narednom periodu očekuje se intenziviranje aktivnosti po ovim projektima u cilju njihove realizacije.



Sa sastanka načelnika Općine Jablanica sa predstavnicima Turske razvojne agencije

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpabc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

PREDSTAVNICI DEIK-a I LIVA GROUP-e POSJETILI OPĆINU VOGOŠĆA



VOGOŠĆA, 11. oktobar/listopad – Danas su Općinu Vogošća posjetili predstavnik DEIK-a Selman Ulusoy, predsjednik Upravnog odbora za Bosansko-Tursku saradnju ispred Turske privredne komore, zatim Samir Pajević direktor LIVA Gropu-e i Ibrahim Ahmedović direktor „Slobodne zone“ Vogošća. Delegaciju je primio načelnik Edin Smajić sa saradnicima.

Tokom sastanka gosti su upoznali načelnika o kupovini zemljišta na lokalitetu Stare industrijske zone, gdje planiraju izgraditi firmu za proizvodnju rasvjetnih tijela LED tehnologije. Za potrebe firme planiraju uposliti 24 radnika, od kojih bi većina na insistiranje načelnika Smajića bila sa područja Vogošće. Na sastanku se razgovaralo i o mogućnostima uspostavljanja saradnje kroz različite projekte te povezivanje lokalnih i turskih kompanija.



DIŞ EKONOMİK İLİŞKİLER KURULU
FOREIGN ECONOMIC RELATIONS BOARD

Načelnik Smajić se zahvalio delegaciji na posjeti i istakao da će lokalna samopurava pomoći i podržati ovakve investicije i ulaganja u Vogošći.

PREZENTIRANO URBANISTIČKO RJEŠENJE PROJEKTA IZGRADNJE MUZEJA OPSADE SARAJEVA

SARAJEVO, 04. oktobar/listopad – Danas je u prostorijama Gradske uprave Grada Sarajeva održana press konferencija povodom urbanističke dozvole za izgradnju Muzeja opsade Sarajeva – Umijeće življenja 1992.-1996. – FAMA kolekcija na prostoru Hastahane na Marijin-Dvoru, koju je izdala Općina Centar.

Projekt, od velikog značaja za Sarajevo i Bosnu i Hercegovinu, čija je realizacija pod pokroviteljstvom Grada Sarajeva i u partnerstvu sa Općinom Centar, pokrenuo je i vodi Konzorcij sastavljen od četiri organizacije: FAMA International, MESS, Obrazovanje gradi BiH i Inicijativa mladih za ljudska prava u BiH.





Prostorna pozicija Muzeja opsade Grada Sarajeva na lokalitetu Hastahane, Marijin dvor

Prezentaciji su prisustvovali gradonačelnik Sarajeva Alija Behmen, dogradonačelnik Igor Kamočaji, načelnik Općine Centar Dževad Bećirović i njegova pomoćnica za prostorno uređenje i komunalne poslove Alma Sadović, te Dino Mustafić, rukovodilac Konzorcija, Suada Kapić, autor projekta i Amir Vuk Zec, jedan od autora idejnog projekta Muzeja opsade Sarajeva, general Jovan Divjak, član Konzorcija FAMA kolekcije u ime udruženja „Obrazovanje gradi BiH“ i Alma Mašić, članica Konzorcija FAMA kolekcije u ime Inicijative mladih za ljudska prava.

Gradonačelnik Behmen je ovom prilikom kazao da je od 6. aprila ove godine, kada je u parku

Hastahana napravljena multimedijalna prezentacija ovog projekta, Općina Centar za gradnju muzeja ustupila najatraktivniju lokaciju u Sarajevu te izdala urbanističku dozvolu.


Za Muzej opsade je obezbjeđeno 11 hiljada kvadratnih metara parka Hastahana a Općina Centar je završila svu potrebnu proceduru izdavanja urbanističke saglasnosti.

Behmen je ovom prilikom podvukao spremnost Grada Barcelone da podrži projekat izgradnje Muzeja, te to potvrdio pismom gradonačelnika ovog pobratimskog grada u kojem je navedeno da „treba nastaviti na unapređenju našeg bratimljenja, raditi na specifičnim projektima koja su u interesu oba grada, te posebno surađivati da Muzej opsade bude realan“. Behmen je, također, u svom obraćanju, ukazao i na zainteresovanost gradova Istanbula, sa kojim je planirano bratimljenje i Beča za projekat Muzej opsade Sarajeva.

Autorica projekta Suada Kapić kazala je da se sama ideja za izgradnju Muzeja javila kada je stanovnik japanskog grada Hirošime prilikom posjete Sarajevu želio da vidi uspomene na najdužu opsadu jednog grada u novijoj historiji, a mi, osim ratnog tunela spasa, nismo imali šta pokazati. Izgradnjom muzeja imat ćemo trajno sjećanje na period kada je u nama ostala doza ljudskosti, pored velikog terora tokom četiri godine opsade- rekla je Kapić.

Načelnik Općine Centar Dževad Bećirović je iskazao zadovoljstvo što će se Muzej opsade Sarajeva graditi u srcu grada, na atraktivnoj lokaciji – na prostoru Hastahane. Sljedeći korak je izrada glavnog projekta za šta su potrebna velika sredstva. Bećirović je obećao značajnu finansijsku pomoć Općine Centar, ali i naglasio da će nam „gradovi Evrope i svijeta sigurno pomoći ako vide da smo svi i mi zainteresovani za realizaciju ovoga projekta“. Konceptija projekta Muzej opsade Sarajeva je samoodrživost, iz razloga da sutra ne bu došli u situaciju, kao što je danas, da se zatvaraju vrata Zemaljskog muzeja, što je sramotno za državne strukture- rekao je Bećirović.

Amir Zec Vuk, vođa arhitektonskog tima potvrdio je da je pozicija budućeg muzeja izuzetna, po svom arhitektonskom rješenju je ovovremeni, te da će objekat u kojem će biti smješten Muzej opsade Sarajeva, biti velikih razmjera.



Idejno rješenje Muzeja opsade Grada Sarajeva

SMANJENJEM ADMINISTRATIVNIH BARIJERA DO PRIVLAČENJA INVESTITORA U OPĆINU TUZLA

Općina Tuzla i Međunarodna finansijska korporacija (IFC), članica grupacije Svjetske banke, tokom proteklih 10 mjeseci, uspješno su proveli tri faze projekta regulatorne reforme „Poboljšanje poslovnog okruženja u Općini Tuzla“. Ovim projektom se realiziraju slijedeći postavljeni specifični ciljevi: smanjenje troškova za investitore i građane, skraćivanje rokova za rješavanje podnijetih zahtjeva i smanjivanje koraka u rješavanju predmeta, te povećanje transparentnosti administrativnih postupaka u općini kroz uspostavljanje transparentnog i pravno sigurnog elektronskog Registra administrativnih postupaka na web stranici Općine.

Ubuduće, privrednici i građani neće morati da, uz zahtjev podnose dokumentaciju koja se izdaje u općinskoj upravi, ona će se pribavljati po službenoj dužnosti. U cilju efikasnijeg pružanja usluga, pojedinačni rokovi za rješavanje su skraćeni u 222 postupka (78% od ukupnog broja). Tako, na primjer, umjesto dosadašnjih 30 dana za dobijanje odobrenja za građenje, ubuduće će biti potrebno samo 7 dana od dana podnošenja potpunog zahtjeva, dok će Rješenje o osnivanju trgovinske radnje ili pružanju trgovinskih usluga biti izdato u roku od 7, za razliku od prethodnih 15 dana.



Grb Grada Sarajeva



Grb Općine Centar Sarajevo



Grb Općine Tuzla


**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipabc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Ukupne uštede
 sprovođenjem skraćenih
 procedura unutar organa
 uprave Općine Srebrenik
 iznose preko 5 miliona
 KM na godišnjem nivou



Grb Općine Srebrenik

Od septembra ove godine počela je naplata nižih administrativnih taksi za pojedine postupke, a od oktobra i nižih naknada.

Danas je u Općini Tuzla, u prisustvu predstavnika nevladinog i poslovnog sektora, održana i promocija elektronskog Registra administrativnih postupaka, koji sadrži sve neophodne informacije o postupcima iz nadležnosti općinskih službi, te pruža mogućnosti preuzimanja propisanih obrazaca zahtjeva u elektronskom obliku sa službene internet stranice Općine Tuzla (www.tuzla.ba).

U svom obraćanju, načelnik Jasmin Imamović je istakao da smanjenje administrativnih barijera i umanjenje taksi i naknada u cilju privlačenja investitora u općinu Tuzla, u funkciji je nastavka i ubrzanja razvoja Tuzle i većeg zapošljavanja. Menadžer Projekta regulatorne reforme u Bosni i Hercegovini, Tarik Šahović, zahvalio je načelniku Imamoviću i njegovim saradnicima na izuzetnoj saradnji tokom implementacije projekta, kao i na tome što je „Općina Tuzla, u doba krize, smogla snage i izašla u susret privrednicima i smanjila naknade i takse“. Naime, kada se sve preporuke primjene u svakodnevnom radu službenika, procjenjene direktne uštede za privatni sektor iznose 567.844 KM na godišnjem nivou, a za građane 253.678 KM. Indirektne uštede, koje proističu iz smanjenog vremena za obradu predmeta i bržih postupaka dostižu višemilionske iznose. Projekat „Poboljšanje poslovnog okruženja i konkurentnosti u Općini Tuzla“ finansirali su Općina Tuzla, IFC, Kraljevina Švedska i Federalno ministarstvo finansija Austrije. (tuzla.ba)



PREZENTIRAN ELEKTRONSKI REGISTAR ADMINISTRATIVNIH PROCEDURA U OPĆINI SREBRENİK




SREBRENİK, 05. oktobar/listopad – U Srebreniku je završen projekat „Regulatorna reforma u Općini Srebrenik“ koji je u partnerstvu sa Općinom sprovela Međunarodna finansijska korporacija (IFC) iz Grupacije Svjetske banke. U uvodnom dijelu prisutnima se obratio načelnik Općine Srebrenik Mehmed Bajrektarević koji se zahvalio IFC-u za svu pruženu pomoć te istakao da je ukupna vrijednost projekta 138.244 KM u čemu IFC učestvuje sa 93.244 KM, dok je učešće općine Srebrenik 35.000 KM u sredstvima i opremi te 10.000 KM u gotovini. Ukupne uštede sprovođenjem skraćenih procedura unutar organa uprave Općine Srebrenik iznose preko 5

miliona KM na godišnjem nivou od čega su uštede za građane oko 28.148 KM dok su za poslovni sektor uštede oko 5 miliona KM. Od tog iznosa oko 74.000 KM su direktni troškovi te 4,9 miliona KM indirektni troškovi zbog skraćivanja rokova i povećanja efikasnosti.

Konačni cilj ovog projekta je efikasna organizacija i pojednostavljenje administrativnih postupaka koji se odnose na smanjenje troškova i rokova za izdavanje raznih rješenja, uvjerenja, dozvola i saglasnosti, odnosno unapređenje klime za poslovanje u Srebreniku putem smanjenja troškova i rizika poslovanja. U ime Međunarodne finansijske korporacije (IFC) prisutnima se obratio Tarik Šahović, menadžer ovog projekta koji je rekao da je izuzetno zadovoljan urađenim jer je općina Srebrenik sve što je bilo planirano da se uradi za godinu dana realizovala za samo 8 mjeseci što je veliki uspjeh.

Ovaj projekat i rezultate koji se njim postižu prezentirao je koordinator projekta Nedim Mujčinović, koji je istakao da se Elektronski registar svih procedura, može naći na web stranici Općine Srebrenik www.srebrenik.ba.

Inače ovaj projekat poboljšanja poslovnog okruženja (ISCRA) u Srebreniku i još pet općina u Bosni i Hercegovini pokrenut je u prvoj polovini decembra 2011. godine u saradnji sa IFC-om. Projekt u Srebreniku su finansirali Švedska međunarodna razvojna agencija (SIDA), IFC i Općina Srebrenik.



EU OČEKUJE DA BiH U PROCES INTEGRACIJA UKLJUČI SVE NIVOE VLASTI

Evropska unija očekuje od BiH da u proces integracija uključi sve nivoe vlasti, izjavio je u razgovoru za Fenu predstavnik Kantona Sarajevo u Briselu Dino Elezović.



Predstavništvo Kantona Sarajevo je već petu godinu zaredom, a u skladu s evropskom regionalnom politikom, prošle sedmice predstavilo interese Kantona Sarajevo na Otvorenim danima evropskih regija i gradova u Briselu.

"Nastojimo slijediti strategiju integracija Evropske unije, koja nije samo unija država članica, već je unutar unije integrativno tijelo i nižih nivoa vlasti - regija i lokalnih zajednica. Evropska unija u strategiji svoje interne integracije država članica EU primjenjuje princip supsidijarnosti, tj. princip raspodjele odgovornosti, nastojeći uključiti sve političke nivoe u proces odlučivanja i provedbe normi EU", kaže Elezović.

Naveo je da su regije kao oblik nižeg nivoa vlasti stvarni nosioci tog principa, jer im je u nadležnosti da na regionalnom nivou usklade više od 60 posto evropskih direktiva i regulativa, te putem Odbora regija EU kontinuirano artikuliraju svoje mišljenje

prema Evropskoj komisiji i Evropskom parlamentu.

Takav princip EU želi primijeniti i u procesu EU integracija Bosne i Hercegovine.

"EU očekuje od BiH da uključi sve nivoe vlasti u procese integracija. Slijedeći tu politiku, Kanton Sarajevo imenovao je osim predstavništva u Briselu i koordinatore koji prate procese integracija. Kompleksan proces integracija jeste proces koji država mora iznijeti na svojim leđima, ali se uveliko tiče i nižih nivoa vlasti koje trebaju stvoriti političke i kadrovske kapacitete koji će biti u mogućnosti uskladiti domaće zakonodavstvo s evropskim", naveo je Elezović.

Jačanje takvih kapaciteta na regionalnom nivou postiže se jedino razmjenom iskustava s drugim evropskim regijama, prateći regionalnu strategiju Evropske unije i od samog početka biti uključen u sve institucionalne instrumente Evropske unije.

"Radi upoznavanja i boljeg razumijevanja strategije i instrumenata koji pospješuju vidove saradnje, ciljano smo bili domaćin okruglog stola u Evropskom parlamentu gdje smo zajedno sa strateškim partnerima, političkim predstavnicima više od 30 regija fokus dali na jačanje prekogranične i međuregionalne saradnje i uključenje u makroregionalne strategije - Dunavske i Jadranske, te u strategiju Evropske grupacije teritorijalne kooperacije (EGTC). Jače učešće u evropskim makroregionalnim strategijama, Dunavskoj i Jadranskoj, omogućava nam jačanje institucionalnih i ekonomskih veza s jakim regijama od Švarcvalda do Crnog mora i regijama jadranskog bazena", kaže predstavnik Kantona Sarajevo u Briselu Dino Elezović. (klix.ba)



NAJAVA: EU PROMOTIVNE AKTIVNOSTI U ŠIROKOM BRIJEGU

ŠIROKI BRIJEG, 17. oktobar/listopad – Na Trgu širokobrijeških žrtava u središtu Širokog Brijega u ponedjeljak 22. listopada 2012. će u organizaciji Centra za civilno društvo „Kyodo“ iz Tuzle koje implementira projekt Češke razvojne agencije „EU promotivne aktivnosti u manjim općinama s ciljem upoznavanja lokalne zajednice o evropskim integracijama i važnosti ulaska BiH u EU“, i uz



Široki Brijeg

suradnju Općine Široki Brijeg biti organizirano druženje s građanima s ciljem informiranja o važnosti ulaska BiH u Evropsku uniju, kao i o samoj Evropskoj uniji.

Na ovom događaju nazočit će i Nj.E. Veleposlanik Republike Češke u BiH Tomáš Szunyog. Program će se održati u vremenu od 12 do 14 sati uz prigodan zabavni program, a planirana je i podjela materijala s evropskim sadržajima, kviz znanja o EU i dodjela simboličnih nagrada sa logom EU. (sirokibrijeg.ba)



Grb Općine Široki Brijeg

**Savez općina i gradova Federacije
Bosne i Hercegovine**

Musala 5/1

71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nadite nas na facebook-u

facebook | join our
group +

POSJETITE NAS NA WEB-U

www.sogfbih.ba

REGIONALNI FORUM PROGRAMA 'EVROPA ZA GRAĐANE'

Ured za udruge Republike Hrvatske organizuje Regionalni forum Evropa za građane, koji će se održati 15. i 16. novembra/studenog 2012. godine u Varaždinu, R. Hrvatska. Cilj foruma jeste ponuditi platformu za sklapanje partnerstava i razvoj projektnih ideja. Učesnici foruma – predstavnici organizacija civilnoga društva i lokalnih organa vlasti iz Hrvatske, Bosne i Hercegovine, Slovenije, Austrije i Mađarske, dobiti će prostor i vrijeme za kreativno oblikovanje projektnih ideja s potencijalnim partnerima.

Forum će se održati u formatu konferencije prema metodi otvorenog prostora (eng. *open space technology*), koja omogućava grupno promišljanje zajedničkih tema i kroz relativno kratko vrijeme definiranje konkretnih planova saradnje. Radni jezik biti će engleski, bez prevođenja. Forum Evropa za građane 2012. će se baviti temom podsticanja građanske inicijativnosti i angažmana u lokanim zajednicama kroz transnacionalna partnerstva u široj regiji koje podržava program Evropa za građane, a sve u znaku predstojeće Evropske godine građana 2013.

Na forumu iz Bosne i Hercegovine može sudjelovati 9 predstavnika organizacija civilnog društva i lokalnih organa vlasti koji su imali priliku sudjelovati na prezentacijama programa Evropa za građane i koji su upoznati sa strukturom i komponentama programa Evropa za građane. Obzirom na ograničen broj učesnika iz Bosne i Hercegovine, odabir će se vršiti na osnovu kvaliteta ispunjenog obrasca u saradnji sa Uredom za udruge Republike Hrvatske. Svi zainteresovani se mole da popunjen prijavni obrazac pošalju do **26.10.2012. godine do 12.00 h** (goran.kucera@mpr.gov.ba). Osnovni preduslovi: tečno znanje engleskog jezika (na forumu je radni jezik engleski, bez prevođenja), konkretna projektna ideja koju ćete opisati u obrascu (polje *introductory message* uz opis ostalog što se traži).

Prijavni obrazac i nacrt programa mogu naći na web stranici Saveza općina i gradova federacije Bosne i Hercegovine <http://www.sogfbih.ba/> u sektoru VIJESTI od 19.10.2012.

Troškovi prijevoza i smještaja su pokriveni od strane Ureda za udruge Republike Hrvatske. Obzirom da se karte i smještaj rezervišu unaprijed, molim da se prijavljuju samo oni koji, u slučaju da budu izabrani, sigurno mogu sudjelovati na Regionalnom forumu Evropa za građane.

Savez / Zajedno za uređenu i razvijenu lokalnu samoupravu

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Education and Culture DG

'Europe for Citizens' Programme



Vlada Republike Hrvatske



Ured za udruge